

'Mengaji' alam di **Rimba Ilmu**

*Hutan simpan seluas dua hektar di UIAM
Kuantan ada 84 spesies pokok hutan, herba*

Oleh Asrol Awang
am@hmetro.com.my

Kuantan

Kewujudan Rimba Ilmu Universiti Islam Antarabangsa Malaysia (UIAM) Kampus Kuantan mampu membantu dalam menyampaikan maklumat berkaitan hutan terutama spesies pokok dan herba.

Timbalan Pengarah UIAM Kuantan, Prof Dr Samsul Draman berkata, ini kerana masih ramai yang tidak mengenali spesies pokok dalam hutan terutama di kalangan generasi muda.

Katanya, dengan kewujudan Rimba Ilmu itu di-

harap memberikan pengalaman baharu terutama dalam bidang penyelidikan.

"Setakat ini, lebih 84 spesies pokok hutan dan herba sudah dikenal pasti di kawasan seluas kira-kira dua hektar ini.

"Idea kewujudan Rimba Ilmu UIAM Kuantan ini tercetus oleh Kuliah Farmasi pada 2019 dan ia akhirnya menjadi kenyataan.

"Kedudukannya di tengah dan dikelilingi bangunan UIAM Kuantan ini menambah lagi keunikan dengan kewujudannya," katanya selepas melancarkan Rimba Ilmu UIAM Kuantan, di sini, semalam.

Rimba Ilmu ialah projek pemuliharaan hutan yang

dilaksanakan Kuliah Farmasi yang diketuai Dekannya Prof Madya Dr Juliana Md Jaffri.

Beliau berkata, pelaksanaannya bermula dengan pencucukan tumbuhan dengan tepat dan memberikan nama saintifik dan tempatan.

"Harapan kami ialah untuk memberikan peluang dan mengembangkan aktiviti kepada komuniti luar.

"Dengan adanya Rimba Ilmu ini, mereka terutama pelajar tidak perlu pergi jauh untuk melihat lebih dekat pelbagai spesies pokok hutan serta herba termasuk rotan dan palas yang ada di sini," katanya.

DR Samsul (tengah) ketika majlis pelancaran Rimba Ilmu UIAM Kuantan. - Gambar NSTP/ASROL AWANG

